

Naqqiut

Siunnersuut aggustip 12-at 2016-meersoq taarserpaa

(Siunnersuutigineqartumi § 45 erseqqissarneqarpoq, paasiuminartikkumallugu aatsitassanik katersuinermi ukiumut 100.000 kr.-nit sinnerlugit naleqartunik pissarsiarineqarsimappata inuussutissarsiutigalugu katersuinerlut isigineqartalissammata. Inatsisinut nassuiaatit allanngortinneqarput inatsisit oqaasertaanut naleqqussarumallugit. Aamma siunnersuutip kalaallisuunngortinnerani oqaaseqatigiit ilaat naqqiiffigineqarnikuupput)

Uunga siunnersuut: Aatsitassat pillugit ingerlatallu tamatumunnga pingaarutillit pillugit inatsisartut inatsisaat (aatsitassanut ikummatissanullu inatsit) allanngortinneqarneranik Inatsisartut inatsisaat nr. xx, yy 2016-imeersoq

(Aalajangiinerup eqqartuussivinnut suliaqkunnissaanut piffissamut killiliussaq, annikitsumik aatsitassarsiorluni aatsitassanik suliaqartarnek, akuersissummik peqarani aatsitassanik katersisarneq paaasernerlu aamma akileraartarnermut nalunaarusiortarnek aamma akiliisarnek il.il. pillugit maleruagassat allanngortinneqarnerat)

§ 1

Aatsitassat pillugit ingerlatallu tamatumunnga pingaarutillit pillugit inatsisartut inatsisaat nr. 7, 7. december 2009-imeersumi (aatsitassanut ikummatissanullu inatsit), Inatsisartut inatsisaanni nr. 26, 18. december 2012-imeersumi, Inatsisartut inatsisaanni nr. 6, 8. juni 2014-imeersumi aamma Inatsisartut inatsisaanni nr. 16, 3. juni 2015-imeersukkut allanngortinneqartumi allanngortinneqassapput:

1. § 3 c kingorna ilanngunneqassaaq:

“ § 3 d. Pissutsit Inatsisartut inatsisaanni pineqartunut ilaasut pillugit aalajangiineq, ukiup 1-ip piffissamut killissaliussap iluani taamaallaat eqqartuussivinnut suliaqkunnissutigineqarsinnaavoq. Piffissamut killiliussaq, suliami peqataasumut aalajangiineq nalunaarutigineqarpat, suliami peqataasumut aalajangiinerup nalunaarutigineqarneranut ulloq aallarnerfigalugu naatsorsorneqassaaq. Taamaattoq aalajangiineq tamanut ammasumik nalunaarutigineqarsimappat, piffissamut killiliussaq nalunaarutiginninnermit tamatigut naatsorsorneqartassaaq. Piffissamut killiliussaq arfininngornermi, sapaammi imaluunniit ulluni nalliuttuni naasussaappat, piffissamut killiliussaq ulluinnaap tullianut sivitsorneqassaaq.

Imm. 2. § 3 b malillugu naammagittaalliornermut suliami, suliami peqataasumut tunngatillugu imm. 1-imi piffissamut killiliussaq aatsaat ulloq naammagittaalliornermut suliami aalajangiinerup suliami peqataasumut nalunaarutigineqarneraniit aatsaat naatsorsorneqassaaq.

Imm. 3. Naalakkersuisut allamik aalajangersimangippata, aalajangiinerup

eqqartuussivinnut suliakkiissutigineqarnera kinguartitsinermik sunniuteqassanngilaq.

Imm. 4. Pissutsit Inatsisartut inatsisaanni pineqartunut ilaasut pillugit aalajangiineq taamaallaat eqqartuussivinnut Kalaallit Nunaanni aalajangiisinnaatitaasunut suliakkiissutigineqarsinnaavoq. Aalajangiineq eqqartuussivinnut suliakkiissutigineqartoq, Kalaallit Nunaanni Eqqartuussivinnut siulliullutik suliarinnittussanut, suliakkiissutigineqassaaq.”

2. Inatsisartut inatsisaanni tamarmi ”annikitsumik akuersissut”, ”annikitsumik akuersissut” aamma ”annikitsumik akuersissutit” allanngortinneqassapput imaalrlugit ”annikitsumik aatsitassarsiornissamut akuersissut”, ”annikitsumik aatsitassarsiornissamut akuersissut” aamma ”annikitsumik aatsitassarsiornissamut akuersissutit”.

3. § 32, *imm. 2*-imi ”*imm. 9*” allanngortinneqarpoq imaalillugu ”*imm. 6*”.

4. § 33, *imm. 1 aamma 2*, imatut oqaasertalerneqassaaq:

” § 33. Naalakkersuisut atugassarititaasut erseqqinnerusumik aalajangersarneqartut tunngavigalugit kisermaassisussaatitaalluni imaluunniit kisermaassisussaatitaanani annikitsumik aatsitassarsiornissamut misissuinissamut imaluunniit aatsitassanik paaanissamut annikitsumik aatsitassarsiornissamut akuersissummik tunniussisinnaapput. Annikitsumik aatsitassarsiornissamut akuersissut, aatsitassanik qinngornernik ulorianartunik akulinnik aatsitassarsiornissamut misissuinissamut imaluunniit paaanissamut tunngassuteqarsinnaanngilaq. *Imm. 2.* Annikitsumik aatsitassarsiornissamut akuersissutit, peqatigisaanik aatsitassarsiornissamut misissuinissamut paaanissamullu imaluunniit immikkut aatsitassarsiornissamut misissuinissamut paaanissamullu akuersissutit tunniunneqarsinnaapput. Aatsitassarsiornissamut misissuinissamut annikitsumik aatsitassarsiornissamut akuersissummi pisinnaatitsissummik pigisaqartoq paaanissamut annikitsumik aatsitassarsiornissamut akuersissummik tunineqarnissamut salliusussaatinneqarsinnaavoq. Aatsitassarsiornissamut misissuinissamut, paaanissamut imaluunniit peqatigisaanik aatsitassarsiornissamut misissuinissamut paaanissamullu annikitsumik aatsitassarsiornissamut akuersissummi pisinnaatitsissummik pigisaqartoq § 16 malillugu kisermaassisussaatitaalluni aatsitassarsiornissamut misissuinissamut imaluunniit paaanissamut akuersissummik nalinginnaasumik tunineqarnissamut salliusussaatinneqarsinnaavoq aammalu tamatumunnga atugassarititaasut aalajangersarneqassallutik.”

5. § 33, *imm. 6*, imatut oqaasertalerneqassaaq:

” *Imm. 6.* Inuk *imm. 1* malillugu akuersissummik tunineqartoq, Naalakkersuisut akuersissuteqarnerat malillugu Kalaallit Nunaanni nunap sannaata takutinnissaa siunertaralugu nunaqavissunut aamma nunaqavissuunngitsunut ilitsersuisoqarluni angalaartitsinernik aqqissuussisinnaavoq.”

6. § 34 imatut oqaasertalerneqassaaq:

” § 34. Naalakkersuisut annikitsumik aatsitassarsiornissamut akuersissutit, piffissami sukkulluunniit atuuttuusinnaasut, amerlanerpaaffissai pillugit aalajangersakkanik erseqqinnerusumik aalajangersaasinnaapput.

Imm. 2. § 33 malillugu annikitsumik aatsitassarsiornissamut akuersissut ukiut 3-it tikillugit piffissamut tunniunneqarsinnaavoq.

Imm. 3. Pisinnaatitsissummik pigisaqartoq kisermaassisussaataitaalluni annikitsumik aatsitassarsiornissamut akuersissut malillugu aatsitassanik peqarfinnik niuerneramik tunngaveqartumik paaarneqarsinnaasumik paasinarsisitsisimasoq aammalu peqarfinnik paaanermik aallartitsisimasoq, aammalu allatigut akuersissummi atugassarititaasut allassimasut naammassisimagunigit, piffissap akuersissuteqarfiusup ukiut 10-ikkaat tikillugit sivitsorneqarnissaanik pisinnaatitaaffeqarpoq. Piffissaq akuersissuteqarfiusooq ataatsimut katillugu tamarmiuserup ukiunik 30-iniit sivisunerusinnaangilaq.

Imm. 4. Annikitsumik aatsitassarsiornissamut akuersissummut sumiiffik akuersissuteqarfiusooq akuersissummi aalajangersarneqassaaq, taamaattoq takukkit imm. 5-7.

Imm. 5. Kisermaassisussaataitaalluni annikitsumik aatsitassarsiornissamut akuersissummut sumiiffik akuersissuteqarfiusooq nunaminertaq 1 km²-imit anginerusunngorlugu aalajangersarneqarsinnaangilaq.

Imm. 6. Kisermaassisussaataitaalluni annikitsumik aatsitassarsiornissamut akuersissut sumiiffinnut, annikitsumik aatsitassarsiornissamut akuersissutip tunniunneqarnerani, § 16 malillugu aatsitassanik misissuinissamut imaluunniit paaanissamut kisermaassisussaataitaalluni akuersissummut nalinginnaasumut imaluunniit § 33 malillugu kisermaassisussaataitaalluni annikitsumik aatsitassarsiornissamut akuersissummut allamut ilaatinneqartunut, tunniunneqarsinnaangilaq.

Imm. 7. Kisermaassisussaataitanani annikitsumik aatsitassarsiornissamut akuersissummut sumiiffimmi akuersissuteqarfigineqartumi, sumiiffiit annikitsumik aatsitassarsiornissamut akuersissutip tunniunneqarnerani imaluunniit kingusinnerusukku § 16 malillugu aatsitassanik misissuinissamut imaluunniit paaanissamut kisermaassisussaataitaalluni akuersissummut nalinginnaasumut imaluunniit § 33 malillugu kisermaassisussaataitaalluni annikitsumik aatsitassarsiornissamut akuersissummut allamut ilaatinneqartut, pineqartunut ilaatinneqanngillat, taamaattoq takuuk § 34 a.”

7. § 34 kingorna ilanngunneqassaaq:

” **§ 34 a.** Kisermaassisussaataitanani annikitsumik aatsitassarsiornissamut akuersissut, tamatumunnga allaganngorlugu akuersineq kisermaassisussaataitaalluni akuersissut malillugu pisinnaatitsissummik pigisaqartumit nalunaarutigineqarsimappat, sumiiffinnut § 16 malillugu aatsitassanik misissuinissamut imaluunniit paaanissamut kisermaassisussaataitaalluni akuersissummut nalinginnaasumut imaluunniit § 33 malillugu kisermaassisussaataitaalluni annikitsumik aatsitassarsiornissamut akuersissummut allamut ilaatinneqartunut tunniunneqarsinnaavoq. Allaganngorlugu akuersineq, Naalakkersuisut tamanna piumasarippassuk, uppersaatip akuersinermik imaqartup Naalakkersuisunut tunniunneratigut Naalakkersuisunut uppersarneqassaaq.

Imm. 2. § 16 imaluunniit § 33 malillugit kisermaassisussaataitaalluni akuersissut malillugu pisinnaatitsissummik pigisaqartup, kisermaassisussaataitanani annikitsumik aatsitassarsiornissamut akuersissut malillugu pisinnaatitsissummik pigisaqartumut tamanna pillugu nalunaaruteqarnikkut, imm. 1 malillugu akuersineq utertissinnaavaa. Utertitsinerup kingorna, sumiiffik kisermaassisussaataitaalluni akuersissummi pineqartunut ilaasoq,

kisermaassisussaatitaanani annikitsumik aatsitassarsiornissamut akuersissummi pineqartunut ilaajunnaassaaq.

Imm. 3. Kisermaassisussaatitaanani annikitsumik aatsitassarsiornissamut akuersissut malillugu pisinnaatitsissummik pigisaqartoq, imm. 1 malillugu akuersinerup utertinneqarnera tunngavigalugu imaluunniit tamatuma malitsigisaanik annaasaqarnermi, kisermaassisussaatitaalluni akuersissut malillugu pisinnaatitsissummik pigisaqartumut imaluunniit Naalackersuisunut taarsiinissamik piunasaqaateqarsinnaannqilaq imaluunniit allanik piunasaqaateqarsinnaanani. ”

8. § 35, imm. 4, imatut oqaasertalerneqassaaq:

” *Imm. 4.* Kisermaassisussaatitaalluni annikitsumik aatsitassarsiornissamut akuersissut malillugu pisinnaatitsissummik pigisaqartoq sumiiffimmi akuersissuteqarfiusumi ataatsikkut inuit 9-it tikillugit sulisitsisinnaasoq Naalackersuisut akuersissummik tunniussisinnaapput, taamaattoq takuuk imm. 5. Inuit pisinnaatitsissummik pigisaqartumit sulisinneqarnerisut imaluunniit pisinnaatitsissummik pigisaqartumi sulisinneqaratik pisinnaatitsissummik pigisaqartoq sinnerlugu ingerlatanik suliaqartinneqarnerisut apeqqutaatinnagu tamanna atuuppoq.”

9. § 36 imatut oqaasertalerneqassaaq:

” **§ 36.** Akuersissut malillugu aatsitassarsiorluni suliaqarnerup ingerlanneqarnera pillugu atugassarititaasunik erseqqinnerusunik Naalackersuisut annikitsumik aatsitassarsiornissamut akuersissummi aalajangersaassapput. Atugassarititaasut pisinnaatitsissummik pigisaqartup aatsitassarsiorluni ingerlatassatut pilersaarutigisai eqqarsaatigalugit aalajangersarneqassapput, ilanngullugit ingerlatassat suussusai annertussusaalu. Ingerlatassat imaluunniit pissutsit allannguuteqartut tamanna pisariaqartilerpassuk, atugassarititaasut allannguuteqartillugit Naalackersuisut aalajangersaasinnaapput.

Imm. 2. Ingerlatat suut immikkut akuersissuteqarfigineqarani ingerlanneqaqqusaanersut, immikkut akuersissuteqarfigineqarluni aatsaat ingerlanneqaqqusaanersut aammalu ingerlanneqaqqusaannginnersut pillugit atugassarititaasut erseqqinnerusut Naalackersuisut annikitsumik aatsitassarsiornissamut akuersissummi aalajangersarsinnaavaat.

Imm. 3. Kisermaassisussaatitaanani annikitsumik aatsitassarsiornissamut akuersissut malillugu aatsitassarsiorluni ingerlatat taamaallaat ikiorsiiniutinik tiggummaaannartakkanik, motooreqanngitsunik atuilluni suliaqqusaapput, soorlu assersuutigalugu kaataq, qussaataq, kaanngartiterut aamma sillaq, taamaattoq takuuk imm. 4.

Imm. 4. Kisermaassisussaatitaanani annikitsumik aatsitassarsiornissamut akuersissut malillugu pisinnaatitsissummik pigisaqartoq tamanna pillugu qinnuteqaateqarpat, akuersissut malillugu aatsitassarsiorluni ingerlatat aamma sumiiffimmi aalajangersimasumi ataatsimi arlalinniluunniit ikiorsiiniutit tiggummaaannartakkat motorillit, soorlu assersuutigalugu qillerut innaallagiatortoq, pilattuut innaallagiatortoq aamma sequtserut innaallagiatortoq, atorlugit aammalu annikitsunik qaartiterinernik atuilluni, ingerlanneqarsinnaasut, Naalackersuisut immikkut ittumik akuersissuteqarsinnaapput. Taamatut akuersissuteqarnek pillugu aalajangersakkanik erseqqinnerusunik aammalu taakkununga atugassarititaasunik Naalackersuisut aalajangersaasinnaapput.

Imm. 5. Kisermaassisussaataitaalluni annikitsumik aatsitassarsiornissamut akuersissut malillugu aatsitassarsiorluni ingerlatat ikiorsiiniutit tigummaaannartakkat motooreqanngitsut aamma motorillit suliarineqarsinnaapput.

Imm. 6. Kisermaassisussaataitaalluni annikitsumik aatsitassarsiornissamut akuersissut malillugu pisinnaatitsissummik pigisaqartoq tamatumuuna qinnuteqaateqarpat, akuersissut malillugu aatsitassarsiorluni ingerlatat aamma qaartiterinerit annikitsut atorlugit ingerlanneqarsinnaasut Naalakkersuisut immikkut akuersissuteqarsinnaapput. Taamatut akuersissuteqarneq pillugu aalajangersakkanik erseqqinnerusunik aammalu taakkununga atugassarititaasunik Naalakkersuisut aalajangersaasinnaapput.

Imm. 7. Aatsitassarsiorluni ingerlatanik aammalu ingerlatanik tassunga atasunik suliaqarneq, ikiorsiiniutinik, qamutinik motorilinnik, sanaartukkanik ilaalu ilanngullugit, atuneq pillugu aalajangersakkanik erseqqinnerusunik aamma atugassarititaasunik Naalakkersuisut aalajangersaasinnaapput.”

10. § 36 kingorna ilanngunneqassaaq:

” § 36 a. Annikitsumik aatsitassarsiornissamut akuersissut malillugu ingerlatat pilersaarutigineqartut suliarineqartullu annikitsumik aatsitassarsiorluni ingerlataanersut imaluunniit aatsitassarsiorluni nalinginnaasumik ingerlataanersut §§ 15 imaluunniit 16 aamma 29 malillugit aatsitassanik misissueqqaarnissamut, misissuinissamut imaluunniit piiaanissamut akuersissut malillugu taamaallaat suliareqqusaasuunersut, Naalakkersuisut nakkutilliivigissavaat aalajangiivigissallugillu.

Imm. 2. Annikitsumik aatsitassarsiornissamut akuersissut qinnuteqaatigineqartoq malillugu aatsitassarsiorluni ingerlatat pilersaarutigineqartut tassaangippata annikitsumik aatsitassarsiorluni ingerlatat, Naalakkersuisut annikitsumik aatsitassarsiornissamut akuersissummik tunniussinissamik qinnuteqaat itigartissavaat aammalu qinnuteqartoq §§ 15 imaluunniit 16 aamma 29 malillugit akuersissummik nalinginnaasumik tunineqarnissamik qinnuteqarnissamik innersuutissallugu.

Imm. 3. Annikitsumik aatsitassarsiornissamut akuersissut tunniunneqartoq malillugu aatsitassarsiorluni ingerlatassatut pilersaarutigineqartut imaluunniit suliarineqartut tassaangippata annikitsumik aatsitassarsiorluni ingerlatat, Naalakkersuisut annikitsumik aatsitassarsiornissamut akuersissut utertissinnaavaat aammalu qinnuteqartoq §§ 15 imaluunniit 16 aamma 29 malillugit akuersissummik nalinginnaasumik tunineqarnissamik qinnuteqarnissamik innersuutissallugu. Annikitsumik aatsitassarsiornissamut akuersissut malillugu pisinnaatitsissummik pigisaqartoq, annikitsumik aatsitassarsiornissamut akuersissut utertinneqarnera imaluunniit taassuma malitsigisaanik annaasaqarneq tunngavigalugu taarsiinissamik piumasaqaateqarsinnaanngilaq imaluunniit allanik Naalakkersuisunut piumasaqaateqarsinnaanani.

Imm. 4. Naalakkersuisut imm. 1-3-mi taaneqartut pillugit immikkut aalajangersaasinnaapput, pineqarpullu aalajangersakkat ersarinnerusut, nalinginnaasumik atugassarititaasut, pineqarputtaaq aalajangiinermi pissutsit tunngaviusimasut imm. 1 naapertorlugu annikitsunik aatsitassarsiornermi pisinnaatitaaffimmik arsaarinnittoqartillugu imm. 3 aammalu pisinnaatitsissummik pigisaqartup §§ 15 imaluunniit 16 aamma 29 aalajangersakkat naapertorlugit piginnaatitsissummik nalinginnaasumik akuersissummik

nalunaarfigineqarsinnaananut attuumassuteqartut, pisinnaatitaaffeqartup piumasqaatinik atugassarititaasunillu tamanik naammassinnissimatillugu.“

11. § 37, imm. 1-imi ”§ 18, imm. 4” allanngortinneqarpoq imaalillugu ”§ 18, imm. 5”.

12. § 38, imm. 2, imatut oqaasertalerneqassaaq:

”Imm. 2. Kisermaassisussaataitanani akuersissut malillugu pisinnaatitsissummik pigisaqartoq ikiorsiiniutinik tigummiannartakkanik motooreqanngitsunik, soorlu assersuutigalugu kaataq, qussaataq, kaanngartiterut aamma sillaq, atuilluni taamaallaat piiaanermik suliaqarniarpat, imm. 1-imi maleruagassat atuutissanngillat. Taamaattoqarpat pisinnaatitsissummik pigisaqartoq tamanna pillugu uppersaalluni nalunaarummik Naalackersuisunut nassiussissaaq. Uppersaalluni nalunaarut, pisinnaatitsissummik pigisaqartup piiaanermik imaluunniit ingerlatanik iliuutsinillu tassunga atasunik aallartitsinissaa sioqqullugu, Naalackersuisunit akuerineqareersimassaaq.”

13. § 38 kingorna ilanngunneqassaaq:

” § 38 a. Annikitsumik aatsitassarsiorluni ingerlatat aamma annikitsumik aatsitassarsiornissamat akuersissutit pillugit aalajangersakkanik erseqqinnerusunik atugassarititaasussanillu Naalackersuisut aalajangersaasinnaapput, ilanngullugit pissutsit §§ 32-38-imi taaneqartut, § 33, imm. 1 malillugu annikitsumik aatsitassarsiornissamat akuersissutinik tunniussinnermut akiliummik akiliuteqartarnej, aammalu tamanna pillugu qinnuteqaammik nassiussisarnej pillugu kiisalu annikitsumik aatsitassarsiorluni suliaqarnermut aamma annikitsumik aatsitassarsiornissamat akuersissutinut tunngatillugu suliaassanik suliarinninnermut aamma allatigut oqartussaasut suliarinninnerannut aningaasartuutinik akiliisarnej pillugu.

Imm. 2. Annikitsumik aatsitassarsiornissamat akuersissut malillugu pisinnaatitsissummik pigisaqartup taassumalu sulisuisa, siunnersortaasa, nioqqutissanik kiffartuussissutinillu pilersuisuisa, taarsigassarsititsisuisa aamma aatsitassanik pisisartuisa ilaalu ilanngullugit akornanni isumaqatigiissutit Naalackersuisunit akuersissuteqarfigineqassasut, aammalu Naalackersuisut akuersissuteqarnermut atugassarititaasunik aalajangersaasinnaasut, pillugit aalajangersakkanik atugassarititaasunillu erseqqinnerusunik Naalackersuisut aalajangersaasinnaapput.”

14. § 45 imatut oqaasertalerneqassaaq:

” § 45. Inuk Kalaallit Nunaanni aalajangersimasumik najugaqartoq aammalu tamakkiisumik akileraartussaataasooq, tamatumunnga akuersissummik piumasqaateqarfiunngitsumik inuussutissarsiutigiginagu aatsitassanik kaanngaqqallutik nunamiittunik katersisinnaavoq, taamaattoq takukkit §§ 45 b-45 d.

Imm. 2. Nunaqavissooq imm. 1 malillugu aatsitassanik katersorneqartunik tuniniaappat, aatsitassanik taamaattunik suliareqqiippat taakkualu tunillugit, imaluunniit aatsitassanik taamaattunik tuniniaanissaaq imaluunniit suliareqqiinissaaq tuniniaanissarlu siunertaralugit Kalaallit Nunaanniit annissippat, aatsitassanik katersineq inuussutissarsiutigineqarsimassaaq aammalu § 45 a-imi pineqartunut ilaassalluni. Assinganik atuuppoq, ukiumut aatsitassat

ataatsimut katillugit nalingat 100.000 koruuninit annertuneruppat.

Imm. 3. Nunaqavissoq tamatumunnga avammut niuerutiginninnissamut akuersissummik peqarani aatsitassanik nammineq inuttut atugassaminik inuussutissarsiutigiginagu Kalaallit Nunaanniit annissisinnaavoq, taamaattoq takukkit §§ 45 c aamma 45 d. Nunaqavissoq tamatumunnga avammut niuerutiginninnissamut akuersissummik peqarani, aatsitassat ukiumut ataatsimut katillugu nalingat 25.000 koruuninit annertunerusimangippat, aamma inuit allat nammineq inuttut atugassaannik aammalu inuussutissarsiutigiginagu atugassanik aatsitassanik Kalaallit Nunaanniit annissisinnaavoq, taamaattoq takukkit §§ 45 c aamma 45 d.

Imm. 4. Nunaqavissoq tamatumunnga avammut niuerutiginninnissamut akuersissummik tunineqarsimaguni aatsaat nunaqavissoq aatsitassanik inuussutissarsiutigilugu Kalaallit Nunaanniit annisseqqusaavoq. Aatsitassat imm. 3-imi pineqartunut ilaanngitsut inuussutissarsiutigiginagu Kalaallit Nunaannit anninneqartarnerannut tamanna aamma atuuppoq.

Imm. 5. Pissutsit imm. 1-4-imi taaneqartut pillugit aalajangersakkanik erseqqinnerusunik Naalakkersuisut aalajangersaasinnaapput.”

15. § 45 a, imm. 1-imi, *uniffimmi siullermi*, ”§§ 45 c aamma 45 d” allanngortinneqarpoq imaalillugu ”§§ 45 b-45 d”.

16. § 45 a, imm. 1, *uniffiit aappaanni*, ”annikinnerusunik” atorunnaarpoq.

17. § 45 a-mi imm. 5 kingorna immikkoortutut nutaatut ilanngunneqarpoq:

” *Imm. 6.* Nunaqavissoq, ukiumut 100.000 koruuninit annertunerusumik ataatsimut katillugu naleqartunik aatsitassanik katersinissamik imaluunniit piiaanissamik kissaateqartoq, takuuk imm. 2, sumiiffimmut nunaqavissup aatsitassanik katersivissatut imaluunniit piiavissatut kissaatigisaanut kapitali 8-imi maleruagassat malillugit aatsitassanik piiaanissamut annikitsumik aatsitassarsiornissamut akuersissummik qinnuteqarsinnaavoq. Nunaqavissoq annikitsumik aatsitassarsiornissamut akuersissummik taamaattumik qinnuteqanngippat imaluunniit tunineqanngippat, imm. 1-5 atuutissapput.”

Imm. 6 tamatuma kingorna *imm. 7-inngorpoq*.

18. § 45 a, imm. 6, matuma kingorna imm. 7-inngortoq, imatut oqaasertalerneqassaaq:

” *Imm. 7.* Inatsisartut inatsisaata matuma atuutilernerata kingorna 1. januar aallarnerfigalugu atuutilersumik imm. 1-imi, 2-imi aamma 6-imi aningaasartat 100.000 koruuniusut, Kalaallit Nunaanni atuinermut akigititanut naleqqersuutini allannguutinut naapertuuttumik iluarsineqassapput.”

19. § 45 b imatut oqaasertalerneqassaaq:

” **§ 45 b.** § 45 malillugu katersineq sumiiffimmi § 16 malillugu aatsitassarsiorluni misissuinissamut kisermaassisussaataitaalluni akuersissummi nalinginnaasumi imaluunniit § 33 malillugu aatsitassarsiorluni misissuinissamut kisermaassisussaataitaalluni annikitsumik aatsitassarsiornissamut akuersissummi pineqartunut ilaasumi ingerlanneqarsinnaavoq.

Imm. 2. § 45 malillugu katersineq sumiiffimmi § 16 malillugu aatsitassanik pīaanissamut kisermaassisussaataitaalluni akuersissummi nalinginnaasumi imaluunniit § 33 malillugu aatsitassanik pīaanissamut kisermaassisussaataitaalluni annikitsumik aatsitassarsiornissamut akuersissummi pineqartunut ilaasumi, ingerlateqqusaanngilaq, taamaattoq takuuk imm. 4.

Imm. 3. § 45 a malillugu katersineq pīaanerlu sumiiffimmi § 16 malillugu aatsitassarsiorniluni misissuinissamut imaluunniit aatsitassanik pīaanissamut kisermaassisussaataitaalluni akuersissummi nalinginnaasumi imaluunniit § 33 malillugu aatsitassarsiorniluni misissuinissamut imaluunniit aatsitassanik pīaanissamut kisermaassisussaataitaalluni annikitsumik aatsitassarsiornissamut akuersissummi pineqartunut ilaasumi, ingerlateqqusaanngilaq, taamaattoq takuuk imm. 5.

Imm. 4. Kisermaassisussaataitanermut akuersissut malillugu pisinnaatitsissummik pigisaqartoq tamatumunnga allaganngorlugu akuersisimappat, § 45 malillugu katersineq imm. 2-imi oqaatigineqartutut kisermaassisussaataitanermut akuersissut malillugu sumiiffimmi akuersissuteqarfiusumi ingerlanneqarsinnaavoq.

Imm. 5. Kisermaassisussaataitanermut akuersissut malillugu pisinnaatitsissummik pigisaqartoq tamatumunnga allaganngorlugu akuersisimappat, § 45 a malillugu katersineq imm. 3-imi oqaatigineqartutut kisermaassisussaataitanermut akuersissut malillugu sumiiffimmi akuersissuteqarfiusumi ingerlanneqarsinnaavoq.

Imm. 6. Imm. 4 aamma 5 malillugit allaganngorlugu akuersineq, tamanna pillugu Naalakkersuisut piumasarippassuk, akuersinermut uppersarsaatip Naalakkersuisunut tunniunneratigut, Naalakkersuisunut uppersarsarneqassaaq.

Imm. 7. Kisermaassisussaataitanermut akuersissut malillugu pisinnaatitsissummik pigisaqartup, tamanna pillugu akuersinermik tiguisumut nalunaaruteqarnermigut, imm. 4 aamma 5 malillugit akuersineq utertissinnaavaa. Utertitsinerup kingorna §§ 45 aamma 45 a malillugit katersineq aamma pīaaneq sumiiffimmi kisermaassisussaataitanermut akuersissummi pineqartunut ilaasumi ingerlanneqaqqusaanngilaq.

Imm. 8. Imm. 4 aamma 5 malillugit akuersinermik tiguisoq, akuersinerup utertinneqarnera imaluunniit tamatuma malitsigisaanik annaasaqarneq tunngavigalugu, kisermaassisussaataitanermut akuersissut malillugu pisinnaatitsissummik pigisaqartumut imaluunniit Naalakkersuisunut taarsiinissamik piumasaqaateqarsinnaanngilaq imaluunniit allanik piumasaqaateqarsinnaanani.”

20. § 45 c imatut oqaasertalerneqassaaq:

” § 45 c. §§ 45 aamma 45 a malillugit aatsitassanik katersinissamut pīaanissamullu aamma aatsitassanik Kalaallit Nunaannit annissinissamut periarfissaqarnermi, aatsitassat qinngornernik ulorianartunik akullit pineqartunut ilaanngillat.

Imm. 2. §§ 45 aamma 45 a malillugit aatsitassanik katersinissamut, pīaanissamut aamma aatsitassanik Kalaallit Nunaannit annissinissamut periarfissaqarnermi aatsitassat aalajangersimasut ilaatinneqanngitsut, pillugit aalajangersakkanik erseqqinnerusunik Naalakkersuisut aalajangersaasinnaapput.

Imm. 3. Naalakkersuisut §§ 45 imaluunniit 45 a naapertorlugit aatsitassat katersorneqarsimasut pīarneqarsimasulluunniit Kalaallit Nunaanniit avammut nioqqutigineqarsinnaaneri pillugit aalajangersaasinnaapput, nunanut allanut

nioqquteqarsinnaanermik Naalakkersuisut akuersissuteqarsimappata.

Imm. 4 Naalakkersuisut aatsitassat aalajangersimasut nioqqutigineqannginnissaannik peqqussutiliorsinnaapput, aatsitassat pineqartut naleqassusiat naatsorsorneqarsimangippat.”

21. § 45 e imatut oqaasertalerneqassaaq:

” **§ 45 e.** Inuk nunaqavissuunngitsoq, takuuk § 45, imm. 1, aatsitassanik katerseqqusaanngilaq imaluunniit piiaaqqusaanngilaq, taamaattoq takuuk § 33, imm. 6.

Imm. 2. Inuk nunaqavissuunngitsoq, aatsaat inuk tamatumunnga avammut annissinissamut akuersissummik tunineqarsimappat, aatsitassanik avammut annisseqqusaavoq, taamaattoq takukkit imm. 3.

Imm. 3. Inuk nunaqavissuunngitsoq, aatsitassat nunaqavissumit pisiarineqarsimappata, aammalu pisineq uppersarneqarsinnaappat, tamatumunnga avammut niuerutiginnissamut akuersissummik peqarani aatsitassanik inuussutissarsiutiginaq Kalaallit Nunaannit annissinnaavoq.

Imm. 4. Imm. 2 aamma 3 malillugit Kalaallit Nunaanniit annissinissamut periarfissaqarnermi aatsitassat qingornernik ulorianartunik akullit ilaatinneqanngillat.

Imm. 5. Naalakkersuisut aalajangersaasinnaapput avammut nioqquteqarsinnaanermi imm. 2 aamma 3 naapertorlugit aatsitassanut aalajangersimasunut atuutinngitsunut.”

22. § 45 f atorunnaarsinneqarpoq.

23. § 86, imm. 3, uniffiit pingajuat, atorunnaarsinneqarpoq.

24. § 86 kingorna ilanngunneqassaaq:

” **§ 86 a.** Pisinnaatitsissummik pigisaqartup taassumalu entreprenøriisa, pilersuisuisa aamma kiffartuussisuisa ilaalu ilanngullugit akileraartarnermut tunngasut pillugit paasisutissanik uppersaatinillu tunniussisarnissaasa aammalu Kalaallit Nunaanni maleruagassanut sukkulluunniit atuuttunut naapertuuttumik akileraarutininik akiliisarnissaasa qulakkeerneqarnissaa siunertaralugu, Naalakkersuisut aalajangersakkanik aalajangersaasinnaapput.

Imm. 2. Pisinnaatitsissummik pigisaqartup, taassuma entreprenøriisa, pilersuisuisa aamma kiffartuussisuisa ilaalu ilanngullugit akileraartarnermut tunngasut pillugit paasisutissanik uppersaatinillu tunniussisarnissaat aammalu Kalaallit Nunaanni maleruagassanut sukkulluunniit atuuttunut naapertuuttumik akileraarutininik akiliisarnissaat, qulakkiissagaa, pillugu aalajangersakkanik Naalakkersuisut imm. 1 malillugu aalajangersaasinnaapput.

Imm. 3. Pisinnaatitsissummik pigisaqartup taassumalu entreprenøriisa, pilersuisuisa aamma kiffartuussisuisa ilaalu ilanngullugit akileraartarnermut tunngasut pillugit paasisutissanik uppersaatinillu tunniussinissaasa aammalu Kalaallit Nunaanni maleruagassanut sukkulluunniit atuuttunut naapertuuttumik akileraarutininik akiliinissaasa tungaanut, pisinnaatitsissummik pigisaqartoq akuersissut malillugu ingerlatanik suliaqarunnaassasoq, pillugu aalajangersakkanik Naalakkersuisut imm. 1 malillugu aamma aalajangersaasinnaapput.

Imm. 4. Aalajangersakkat imm. 1-3-imi taaneqartut nalunaarutini, akuersissutini,

akuersissuteqarnerni aalajangiinernilu ilaalu ilanngullugit, aalajangersarneqarsinnaapput.”

§ 2

Inatsisartut inatsisaat ulloq 1. januar 2017 atuutilerpoq.

Imm. 2. Aatsitassarsiorluni misissueqqaarnissamut, misissuinissamut imaluunniit piiaanissamut akuersissutit, Inatsisartut inatsisaata atuutilernerani tunniunneqareersimasut, atuutiinnassapput. Inatsisartut inatsisaat aamma akuersissutinut taamaattunut, akuersissutit taamaattut malillugit pisinnaatitsissummik pigisaqartunut kiisalu ingerlatanut Inatsisartut inatsisaata atuutilernerani aatsitassanut ikummatissanullu inatsimmi pineqartunut ilaasunut, atuuppoq. Tamatuma saniatigut Inatsisartut inatsisaat ingerlatanut, ilanngullugit aatsitassanik katersineq, piianeq aamma atuneq, aatsitassanut ikummatissanullu inatsimmi pineqartunut ilaasunut aammalu Inatsisartut inatsisaata atuutilernissaa sioqqullugu ingerlanneqartunut, aammalu aatsitassanut ingerlatani taamaattumi katersorneqartunut, piiarneqartunut imaluunniit atorineqartunut, atuuppoq. Inatsisartut inatsisaat aamma pissutsit aatsitassanut ikummatissanullu inatsimmi pineqartunut ilaasut pillugit aalajangiinernut, Inatsisartut inatsisaata atuutilernissaa sioqqullugu aalajangiiffiqartunut, atuuppoq, taamaattorli piffissamut killissaliussaq § 3 d imm. 1-imi taaneqartoq, inatsisartut inatsisaata atuutilerneraniit naatsorsorneqassalluni.

Namminersorlutik Oqartussat, ulloq xx.yy 2016

Kim Kielsen